

解州全志卷之四 安邑縣

學校

安邑爲大學額設教諭訓導各一員廩生二十名增生二十名附生無定額歲科兩試入學二十名學宮在縣治東荆始無考傳自宋蔡攸建有碑元至正重建明洪武間縣令晉之用天順間縣令楊罄成化間縣令劉謹正德間縣令魏瓚萬歷間縣令羊可立路一麟各重修 國朝乾隆二十八年知州言如泗督同縣令呂瀨闔學大修易朽整敝輪奐重新邑紳葛德潤周健等督工告竣統計學南鐘鼓兩樓東西興賢解州全志

卷之四

安邑縣 學校

一

育才坊中峙萬仞宮牆左右新建兩門次爲文廟坊爲泮池爲櫺星門次戟門中爲大成殿下列兩廡殿後爲明倫堂東齋曰博文西齋曰約禮後爲尊經閣閣下爲敬一亭

崇聖祠在敬一亭東南隅

名宦祠在戟門外左

鄉賢祠在戟門外右

教諭宅在學東

訓導宅在學西

學舍學田學倉俱廢

條山書院舊在縣東門外後廢乾隆十一年邑令佟濬
建在城內北察院舊署二十一年邑令李本樽重修
書院前振教培風坊一座大門二門各三楹東西角
門二講堂五楹東西學舍各十三楹堂後捲棚五楹
後堂五楹東西廂房各十六楹寢室五楹捲棚五楹
雙栢亭三楹八角亭一座共計正房五座學舍廂房
十四座爲屋九十五間其師生修脯膏火初係縣屬
紳衿捐銀一千兩嗣於乾隆二十七年邑令楊國翰
將碾撥豫省餘米糶銀一千六十五兩詳明撥入書
院共銀二千六十五兩生息供用

解州全志

卷之四

安邑縣

學校

二

義學在北相鎮

田賦

民田原額羣水平坡沙減灘石共熟地四千八百九十四頃八十畝三分零徵糧三萬七千四十七石五斗一升零共徵折色地畝九釐驛站共銀四萬一千三百二兩三錢四分二釐零
又萬歷間加增絲絹馬草銀二十三兩四錢八分九釐零

自順治十三年至康熙四十六年共墾地七百五十頃二十畝四釐零征糧五千五百四十六石七斗零徵折色銀六千四十六兩二錢六分七釐零
雍正六年至十二年又墾地七十六頃九十六畝二分二釐零徵糧三百六十五石五斗零折色銀四百三十三兩三錢二分二釐零

雍正十三年清出隱漏民田減地三十四畝四分九釐徵糧一石二斗九升零折色銀一兩五錢九分六釐零

以上實在民田共熟地五千七百二十二頃三十一畝五釐零共徵糧四萬二千九百六十一石零共徵折色等銀四萬七千八百七兩一分六釐零
平陽衛屯田三頃六十五畝徵糧一十九石二斗折

徵銀一十五兩三錢六分

更名晉府地一百七十七頃二十五畝五分五釐徵租銀二百六十五兩八錢八分三釐零

額外河灘地二頃七十五畝八分三釐徵租穀八石二斗七升四合九勺

以上民田屯田更名河灘四項共熟地五千九百五頃九十七畝四分九釐二毫二絲二忽徵本色穀八石二斗七升四合九勺徵糧四萬二千九百八十八石二斗五升八合二撮七圭二粒一粟折色並加增絲絹馬草共銀四萬八千八十八兩二錢六

解州全志

卷之四

安邑縣 田賦

四

分五釐四毫八絲四忽四微七纖八沙五渺九埃

五漠乾隆二十七年題免姚暹渠佔挖民平地三十四畝六分三釐八毫糧銀三兩八分零

丁徭

民丁額數共人一萬一千八百七十一丁俱下下則共徵徭銀並辦買本色顏料地差加徵織造綾絹工費共銀一萬一千七百七十二兩四錢五分一

釐零

更名晉府丁三百三十丁徵徭銀七十六兩六錢平陽衛屯人上中下五丁徵徭銀九兩二錢四分三釐

順治十四五兩年清出不應優免人一千四百二
丁共徵徭銀一千三百三十九兩八錢二分八釐
零

又清出更名供丁三十丁半徵徭銀一十兩五錢
一分三釐零

康熙十六年清出實在鹽丁一千四百一丁徵徭
銀一千五百七十六兩九錢三分四釐零

雍正六年清出修築鹽丁一千三百三十三丁徵
徭銀一千五百兩三錢九分五釐零

以上民鹽軍屯四項共人一萬六千三百七十二丁

解州全志

卷之四

安邑縣

田賦

五

半共徵徭銀並地差加徵織造綾絹工費共銀一
萬六千二百八十五兩九錢六分七釐七毫二絲
七忽八微八纖三沙七塵統於乾隆元年攤入地

糧徵收

內平陽衛屯人五丁徭銀九兩二錢四分
三釐另册奏報

自康熙五十五年至乾隆二十四年編審共滋生
人一千五百丁永不加賦

雜課

額外商稅銀八十九兩七錢九分一釐五毫

酒課銀三十六兩六錢

匠價銀八十兩一錢攤入地糧徵收

棗株窑磨銀一兩六錢

田房正稅銀一十五兩四錢五分九釐

盈餘係活數

頭畜稅銀三十三兩三錢六分六釐

盈餘係活數

牙帖稅銀一百五十六兩八錢

當稅銀九十兩

共徵地丁並辦買本色顏料以及酒課商稅共銀六

萬四千六百七十二兩一錢一分六釐二毫一絲

二忽三微六纖一沙七塵五渺九埃五漠

起運銀五萬六千六百六兩六錢五釐八毫六絲八

忽三微六纖六沙一塵四渺九埃五漠

解州全志

卷之四

安邑縣

田賦

六

存留銀八千六十五兩五錢一分三毫四絲三忽九

微九纖五沙六塵一渺

鹽引附

額引五千三百道歷年俱不招商虛貯在庫俟奏銷

時搨扒截角雍正七年覆淮安邑額引仍歸原地

募商領辦倘有未銷餘引於奏銷時聲明隨冊繳

部查核

定例五年編查一次乾隆二十九年分

本城暨東路三十七村莊共五千一百二十七戶共
三萬一千四百八十二名口

西路五十一村莊共七千八百九十九戶共四萬五
千五百五十三名口

南路二十六村莊共三千四百四十二戶共一萬八
千九百五十五名口

北路八十六村莊共一萬二千四百四十八戶共六
萬九千九百八十五名口

以上共二萬八千九百一十六戶共一十六萬五千
九百七十五名口

倉儲

常平額谷一萬六千石零

社谷無定額現貯一萬二千四百一石零

義谷無定額現貯六千四百六十石零

兵防

安邑縣運城營都司僉書一員經制把總一員外委一員駐劄運城外委把總一員駐劄本城統馬兵八名步兵二十名守兵九十二名共一百二十名內本城防兵十名運城防兵七十七名分汛三十三名原委詳運志

分汛七處

王范 將軍廟 張村 北相鎮 喬陽 各兵五名
東郭 兵五名 泓芝驛 兵三名二處係僻汛

演武場在縣西門外

解州全志

卷之四

安邑縣

兵防

九

兵事

書序湯伐桀升自陬遂與桀戰於鳴條之野

周赧王二十九年秦擊魏獻安邑以和

秦攻趙藺離石祁趙以公子郢為質於秦請納焦黎

牛狐之城以易藺離石祁於秦後趙背秦不予秦

令衛胡易伐趙攻闕與趙奢救之魏令公子咎率

銳師居安邑以挾秦秦敗於闕與反攻魏幾廉頗

救幾大敗秦師 秦昭王十四年國尉白起涉河

取韓安邑以東昭襄王十一年齊韓魏趙中山共

攻秦至鹽氏而還

括地志云在蒲州安邑縣

漢高祖三年曹參從韓信取安邑得魏將王襄

漢王二年韓信擊魏魏王盛兵蒲阪塞臨晉信乃益
爲疑兵陳船欲渡臨晉而伏兵從夏陽以木罌渡
軍襲安邑遂虜豹

漢建武元年前將軍鄧禹圍安邑遂及更始定國上
公王匡戰於安邑大破之斬其將劉均十四年拜
馬成揚武將軍繕治障塞自西河至渭橋河上至
安邑太原至井陘皆築堡壁起烽燧十里一墩

初平二年董卓使中郎將牛輔屯安邑興平二年
獻帝御牛車幸安邑

解州全志

卷之四

安邑縣 兵防

十

後魏孝昌三年正平民薛鳳賢據安邑以應蕭寶夤
詔都督宗正珍孫討鳳賢長孫稚討寶夤時薛修
義圍河東珍孫守虞坂不得進稚引兵北渡據石
錐壁命送降者各還村俟臺軍舉三烽當以烽相
應無應烽者乃賊黨也當進擊屠之於是村民轉
相告語雖實未降者亦詐舉烽一宿之間火光數
百里賊圍城者不測各散歸修義鳳賢俱降稚遂
克潼關

唐至德二年郭子儀攻崔乾祐於蒲津乾祐走安邑
安邑僞納之兵半入縣門發乾祐得脫身走